

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA SITA

KIKAO CHA TANO

9 SEPTEMBER, 2019



ORODHA YA SHUGHULI ZA LEO

MKUTANO WA KUMI NA SITA

KIKAO CHA TANO – TAREHE 9 SEPTEMBER, 2019

I. DUA:

II. HATI ZA KUWASILISHA MEZANI:

WAZIRI WA MALIASILI NA UTALII:

Maelezo ya Waziri wa Maliasili na Utalii kuhusu Azimio la kuridhia Mapendekezo ya Ubadilishaji Hadhi sehemu ya eneo la Pori la Akiba la Selous kuwa Hifadhi ya Taifa ya Nyerere.

MWENYEKITI WA KAMATI YA KUDUMU YA BUNGE YA ARDHI, MALIASILI NA UTALII:

Maoni ya Kamati ya Kudumu ya Bunge ya Ardhi, Maliasili na Utalii kuhusu Azimio la kuridhia Mapendekezo ya Ubadilishaji Hadhi sehemu ya eneo la Pori la Akiba la Selous kuwa Hifadhi ya Taifa ya Nyerere.

MSEMAJI MKUU WA KAMBI RASMI YA UPINZANI BUNGENI WA WIZARA YA MALIASILI NA UTALII:

Maoni ya Msemaji Mkuu wa Kambi Rasmi ya Upinzani Bungeni wa Wizara ya Maliasili na Utalii kuhusu Azimio la kuridhia Mapendekezo ya Ubadilishaji Hadhi sehemu ya eneo la Pori la Akiba la Selous kuwa Hifadhi ya Taifa ya Nyerere.

III. MASWALI:

OFISI YA RAIS (TAMISEMI):

55. MHESHIMIWA RAPHAEL JAPHARY MICHAEL (MOSHI MJINI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Halmashauri ya Manispaa ya Moshi kwa muda mrefu imekuwa na maombi ya kupandishwa hadhi kwa Zahanati za Msarango, Longuo B na Shirimatunda kuwa Vituo vya Afya:-

Je, ni lini Zahanati hizo zitapandishwa hadhi kuwa Vituo vya Afya.

WIZARA YA MAMBO YA NDANI YA NCHI:

56. MHESHIMIWA EMMANUEL ADAMSON MWAKASAKA (TABORA MJINI):

Atamuuliza Mheshimiwa Waziri wa Mambo ya Ndani ya Nchi:- Waendesha pikipiki (bodaboda) nchini wamekuwa wakikamatwa na Askari wa

Usalama barabarani mara kwa mara kwa tuhuma za makosa mbalimbali:-

Je, zoezi hili la ukamataji wa waendesha pikipiki limefanikiwa kwa kiasi gani.

57. MHESHIMIWA FAKHARIA SHOMAR KHAMIS (VITI MAALUM):

Atamuuliza Mheshimiwa Waziri wa Mambo ya Ndani ya Nchi:- Askari wa Jeshi la Polisi Zanzibar (Ziwani) wanakabiliwa na matatizo makubwa ya makazi kama vile miundombinu ya maji, nyumba chakavu, uhaba wa vyoo na kuharibika kwa uzio uliokuwepo katika eneo hilo hali inayohatarisha usalama wao:-

- (a) Je, kuna mpango gani wa kufanyia matengenezo nyumba na vyoo kwa wakati huu;
- (b) Je, ni lini uzio wa boma hilo la Ziwani utafanyiwa ukarabati.

WIZARA YA MALIASILI NA UTALII:

58. MHESHIMIWA DESDERIUS JOHN MIPATA (NKASI KUSINI):

Atamuuliza Mheshimiwa Waziri wa Maliasili na Utalii:- Wananchi wa Kijiji cha Kasapa walikuwa na ombi la kuongezewa maeneo ya kilimo kutoka kwenye eneo la hifadhi ya Kalambo TFS:-

Je, Serikali imefikia hatua gani katika utekelezaji wa ombi hilo la Wananchi wa Kijiji cha Kasapa.

59. MHESHIMIWA DKT. DALALY PETER KAFUMU (IGUNGA):

Atamuuliza Mheshimiwa Waziri wa Maliasili na Utalii:- Asilimia 70 au zaidi ya maeneo ya Kata za Isakamaliwa, Mbutu, Igunga, Nguvumoja, Lugubu na Itumba katika Jimbo la Igunga na Kata za Igoweko katika Jimbo la Manonga yapo ndani ya Mbuga ya Wembere ambayo kwa sasa imekosa sifa ya kuwa hifadhi ya wanyama; na wananchi katika Kata hizo wameongezeka na kusababisha ufinyu wa maeneo ya makazi, kilimo na ufugaji na migogoro mikubwa kati ya wakulima na wafugaji na kuleta mauaji:-

Je, ni lini Serikali italitenga na kulipima eneo la Hifadhi ya Wembere hususan katika maeneo ya Kata hizo kwa ajili ya matumizi bora ya ardhi.

WIZARA YA ULINZI NA JESHI LA KUJENGA TAIFA:

60. MHESHIMIWA KANAL (MSTAAFU) MASOUD ALI KHAMIS (MFENESINI):

Atamuuliza Mheshimiwa Waziri wa Ulinzi na Jeshi la Kujenga Taifa:- Serikali imekuwa ikijitahidi kujenga nyumba kwa ajili ya Wapiganaji

wake ili waishi kambini kama taratibu za Jeshi zinavyoelekeza:-

- (a) Je, ni kwa nini sasa nyumba nyingi katika Kambi za Jeshi wanapewa wafanyakazi “raia jeshini” kwa ajili ya kuishi;
- (b) Je, wafanyakazi raia wana haki ya kupewa nyumba za kuishi za askari;
- (c) Je, ni kwa nini askari wanaruhusiwa kuzihama nyumba zilizojengwa kwa ajili yao na kuhamia katika nyumba zao binafsi.

WIZARA YA FEDHA NA MIPANGO:

61. MHESHIMIWA JOYCE BITTA SOKOMBI (VITI MAALUM):

Atamuuliza Mheshimiwa Waziri wa Fedha na Mipango:- Wafanyakazi wa Kiwanda cha Mutex ambacho kilifungwa tangu mwaka 1984, wamekuja kulipwa stahiki zao Desemba, 2018 na badala ya kulipwa shilingi 400,000/= kwa gharama ya kila mwezi wakalipwa shilingi 100,000/= tu:-

Je, Serikali haioni kuwa inawakandamiza wastaafu hao.

62. MHESHIMIWA ISSA ALI MANGUNGU (MBAGALA):

Atamuuliza Mheshimiwa Waziri wa Fedha na Mipango:- Tangu TRA ianze kukusanya kodi ya majengo imekusanya kiasi gani katika Mkoa wa kodi Temeke kwa mwaka 2017/2018 na ni asilimia ngapi ya lengo.

63. MHESHIMIWA AMINA SALEH MOLLEL (VITI MAALUM):

Atamuuliza Mheshimiwa Waziri wa Fedha na Mipango:- ATM za Benki nyingi hapa nchini hazikidhi mahitaji ya watu wenye ulemavu:-

Je, Serikali ina mpango gani wa kuhakikisha kuwa ATM za Benki zinawekewa mifumo inayokidhi mahitaji ya watu wenye ulemavu.

WIZARA YA HABARI, UTAMADUNI, SANAA NA MICHEZO:

64. MHESHIMIWA JOSEPH GEORGE KAKUNDA (SIKONGE):

Atamuuliza Mheshimiwa Waziri wa Habari, Utamaduni, Sanaa na Michezo:-

(a) Je, ni sababu zipi zinazosababisha matangazo ya Shirika la Habari Tanzania (TBC) hasa upande wa Radio yasisikike kwenye Tarafa za Kitunda na maeneo mengi ndani ya Jimbo la Sikonge;

(b) Je, ni lini Serikali itarekebisha tatizo hilo.

WIZARA YA MAJI:

**65. MHESHIMIWA VICTOR KILASILE
MWAMBALASWA (LUPA):**

Atamuuliza Mheshimiwa Waziri wa Maji:- Ujenzi wa Bwawa la Matwiga Wilayani Chunya umechukua zaidi ya miaka mitano bila kukamilika:-

Je, ni lini Serikali itakamilisha ujenzi huo.

WIZARA YA KILIMO:

**66. MHESHIMIWA IGNAS ALOYCE MALOCHA
(KWELA):**

Atamuuliza Mheshimiwa Waziri wa Kilimo:-

Je, ni lini Serikali itajenga mradi wa umwagiliaji uliopo katika Kata ya Ilemba ambao ulijengwa na wananchi na ukabomolewa na mvua ya msimu kwa 2018/2019.

**67. MHESHIMIWA RASHID ABDALLAH
SHANGAZI (MLALO):**

Atamuuliza Mheshimiwa Waziri wa Kilimo:- Serikali ya Awamu ya Kwanza ilikuwa na mazao ya kimkakati ya biashara kama Kahawa, Pamba,

Pareto na Katani ili kuwa chachu ya kukuza Viwanda:-

Je, Serikali ya Awamu ya Tano ina mkakati gani mahsusi wa kuanzisha uzalishaji wa mazao na kaulimbiu ya Tanzania ya Viwanda.

68. MHESHIMIWA SAED AHMED KUBENEA (UBUNGO):

Atamuuliza Mheshimiwa Waziri wa Kilimo:- Ni ukweli kwamba bei ya bidhaa za Viwandani kwa kiwango kikubwa zinatokana na gharama za uzalishaji kama vile maji, umeme, nguvu kazi nk.:-

Je, kitendo cha kutoa kibali kwa Viwanda vya Sukari kuagiza Sukari kutoka nje sio kuua kabisa Kilimo cha zao la Miwa ambacho Wakulima wanategemea kuuza kwenye Viwanda vya ndani.

IV. HOJA ZA SERIKALI:

AZIMIO:

WAZIRI WA MALIASILI NA UTALII:

Azimio la kuridhia Mapendekezo ya Ubadilishaji Hadhi sehemu ya eneo la Pori la Akiba la Selous kuwa Hifadhi ya Taifa ya Nyerere.

**DODOMA
9 SEPTEMBER, 2019**

**S. KAGAIGAI
KATIBU WA BUNGE**